

# Inunnik isumaginnittussat ilinniartitaaneranni fagit pillugit Namminersornerullutik Oqartussat nalunaarutaat

Meeqqat atuarfianni ilinniartitsisussat ilinniartitaasarnerat pillugu isumaginninnermillu suliaqartussanik ilinniartitsisarnerit pillugit Inatsisartut peqqussutaanni nr. 1-imi 16. maj 1989-imeersumi § 29 naapertorlugu aalajangersarneqarput:

## Kapitali 1.

*Imaa.*

§ 1. Inunnik isumaginnittussat ilinniartitaaneranni ilinniartitsineq soraarummeersitsinerlu ingerlanneqassapput nalunaarummi uani aalajangersakkat aamma Namminersornerullutik Oqartussat inunnik isumaginnittussanik ilinniartitsineq pillugu nalunaarutaanni aalajangersakkat nalinginnaasut malillugit.

## Kapitali 2.

*Fagit perorsaanermut tunngassuteqartut.*

§ 2. Siunertarineqartoq tassaavoq ilinniartut

- 1) perorsaanermik suliaqarnerup meeqqat, inuusuttut inersimasullu ineriartornerannut toqqissisimanissaannullu aamma inuiaqatigiinni pissutsinut atassuteqarneranik paasisimasaqalersinniarnissaat,
- 2) isummanik perorsaanermut tunngasunik aamma tamakkua perorsaanermi qanoq atornissaannik paasisimasaqalersinniarnissaat, aamma
- 3) tunngavissaqalernissaat apeqqutinik perorsaanermut ileqqorissaarnissamullu tunngasunik suussusersiorlugit paasiniaasinnaalernissamut, naliliisinnaalernissamut paasinarsaasinnaalernissamullu.

*Imm. 2. Imai:*

- 1) isummat perorsaanermut tunngasut assigiinngitsut, tamakkua inunnik inuiaqatigiinnillu isiginninneri,
- 2) ukiut ingerlanerini inuiaqatigiinnilu assigiinngitsumik aqqissugaasuni inuusut perorsaanermik/perorsarsimassutsimik, pissusissatut innermik/allaassuteqarnermik, toqqissisimanermik/inuunerupnaleqassusianik paasinnittarneri,
- 3) isummat paasinnittarnerillu tamakkua meeqqanik, inuusuttunik inersimasunillu perorsaanikkut sullissinerup anguniagaanut imarisaanullu sunnuteqartarneri,
- 4) inuiaqatigiinni inooqataanermut piukkunnarsaaneq, pingaartinnerullugit meeqqat inuusuttullu,
- 5) inuiaqatigiinni inooqataanermut piukkunnarsaaneq ingerlanneqarnera ilaqutariinni, paaqqinniffinni gruppini, aamma
- 6) perorsaanermik suliaqartup namminerminut sulianullu tunngasutigut imminut ilisimaarinera.

### *Socialpædagogikki.*

#### **§ 3.** Siunertarineqartoq tassaavoq ilinniartut

- 1) inunnik isumaginninnermi suliassanik, sulineermi periaatsinik suliassa qarfinnillu ilisimasaqalersinniarnissaat, aamma
- 2) piginnaanngorsarneqarnissaat inunnik isumaginninnerup tungaatigut sulinissamut tunngavilersukkanik siunnersuusiornermut, tamatumunnga ilanngullugu inunnik isumaginninnerup tungaatigut sulinerup nutaanngorsarnissaanut siunnersuusiorneq.

*Imm. 2. Imai:*

- 1) inunnik isumaginninnermut ilinniarnermi tunuliaqutassat pitsaasut,
- 2) pædagogikkimut/psykologiimut tunngasumik isummat assigiinngitsut isumaginninnermik suliaqarnermut sunniutaat,
- 3) isumaginninnermik suliassa qarfiit ilisimaneqartut tamarmik iluanni isumaginninnermik suliaqarnerit,
- 4) isumaginninnermik suliassa qarfinnik nutaanik piorsaaneq,
- 5) paaqqinniffinni suliassa qarfinnilu assigiinngitsuni isumaginninnerup tungaatigut suliassanik pilersaarusiorneq, aqqissuussineq naliliinerlu,
- 6) paasissutissanik misissuineq, katersuineq sularinninnerlu sullissinissamut siunnersuutinik atorluarsinnaasunik saqqummiussinissamut tunuliaqutissatut,
- 7) paaqqinniffiit siulersorneqarneri ingerlanneqarnerilu,
- 8) suliffigisami avataaniittunilu suleqatigiinnissamik suleqateqarnissamillu aqqissuussineq, tamatumunnga ilanngullugu angajoqqaat suleqatigiinnissaat aamma atuarfeqarfimmik, peqqinnissamik isumaginnittoqarfimmik isumaginninnermullu pisorta qarfinnik suleqateqarneq,
- 9) ata qatigiinneq/oqaloqatigiinneq,
- 10) inunnik isumaginnittup najukkamini inooqatigiinnut akisussaassuseqarnera taakkunungalu suliassai.

### *Psykologi.*

**§ 4.** Siunertarineqartoqtassaavoq ilinniartutqamuuna (tarnikkut) pissusiusartunik, inuit inooqatigiinnermi kulturikkullu assigiinngitsunik atugaqartillutik pissuserisartagaannut, piviusunik paasinnittarnerannut, imminut ilisimaarinissamut aamma qanoq iliuuseqartarnissamut periarfissarisannut atassuteqartunik paasisimasaqalersinniarnissaat tamatumuuna siunertaralugu suliassanik perorsaanermut tunngasunik naliliisinnaalernissaat, pilersaarusiorsinnaalernissaat suliaqarsinnaalernissaallu.

*Imm. 2. Imai:*

- 1) isummani psykologiimut tunngasuni inunnik inuiaqatigiinnillu isiginninnerit,
- 2) ineriartortitsinnermi paasisimasassat ineriartortitsinerlu pillugu isiginninnerit assigiinngitsut,
- 3) inuit ineriartortarnerat aamma meeqqat inuusuttullu pingaartinnerullugit inuiaqatigiinni inooqataanermut piukkunnarsaasaneq pillugit psykologiimut tunngasutigut isummat,
- 4) timikkut tarnikkullu ineriartornerup ata qatigiinnerat,
- 5) inuiaqatigiinni inooqataanermut piukkunnarsaanerup ingerlanneqarnera ilaqutariinni/paaqqinniffinni/gruppini,
- 6) inuunermi atugarisat inuup ineriartorneranut sunniuteqartarnerat,
- 7) ajornartoornerit, tamakkunungalu ilanngullugit ajornartoornerup inuunerup allanngorarnerinut

assigiinngitsunut atatillugu nalinginnaasumik qanoq paasisariaqarnera, napparsimarujussuortoqarnerani toqusoqarneranilu tarnikkut ajornartorsiutaasartut, aliasunnerup ersiutai, imminorneq,

8) psykologiimut tunngasunik misissuinerit nassuiaanerillu,

9) psykologii perorsaanermut tunngasunik suliaqarnermi sakkutut,

10) pissusissatut inneq/allaassuteqarneq allaassutillu pilersarnerat (inuunermi atugarisatigut amigaateqarneq), aamma

11) tarnikkut pissusiusartut inooqatigiinnermi inummut ataatsimut tunngassuteqartut, tamakkununnga ilanngullugit isumaqatigiinngissutinik aaqqiiniartarneq aaqqiiniartarnermilu najoqqutassat.

**§ 5.** Atuartitsissutini perorsaanermut tunngassuteqartuni misiliinerit marluk ingerlanneqassapput.

Misiliinerup aappaa oqaluttarissanik misiliinerussaaq ilinniartullu ataasiakkaarlutik misilitsittassallutik.

Misiliinerup aappaa allattarissanik oqaluttarissanillu misiliinerusinnaavoq, ingerlanneqarsinnaalluni gruppikuutaartuni aamma sammisimasat akuleriissillugit misiliinerusinnaalluni, tak. aamma inunnik isumaginnittussanik ilinniartitsineq pillugu Namminersornerullutik Oqartussat Nalunaarutaat, § 17, imm. 2. Misiligutit assigiimmik oqimaassusilerneqassapput, karakteriliisoqassaarluk karakterimik ataatsimik.

### **Kapitali 3.**

*Fagit isumaginninnermut tungassuterqartut.*

*Fagi.*

**§ 6.** Siunertarineqartoq tassaavoq ilinniartut ilisimasaqalersinniarnissaat paasiniagaqarnermi inuit ataasiakkaat, ilaqutariit inooqatigiillu tamarmik iluaqutiginiarneqarsinnaanerannik tamatumuuna siunertaralugu inooqatigiinnermi pissutsit inooqatigiinnermilu ajornartorsiutit paasiniarnissaanni nassuiarnissaannilu ataatsimut isiginninnernik atuisinnaalernissaat. Ilinniartut tamatumunnga atatillugu inunnik isumaginninnermik suliaqarnermi inooqatigiinnermi ajornartorsiutinut aaqqiissutaasinnaasunik siunnersuuteqartarsinnaassapput tunngavilersukkanik.

*Imm. 2. Imai:*

1) inuit ataasiakkaat, ilaqutariit gruppillu inuunermi atugarisaat, tamakkununnga ilanngullugit inuunermi atugarisatigut assigiinngissutit, allannguutit oqaluttuarisaanermut tunngasut aamma inuunermi atugarisat inuit inooqatigiinnermi ineriartornerannut inooqatigiinnermilu ajornartorsiutit pilersarnerannut sunniuteqartarneri,

2) inooqatigiinnermi naligiinngissutit assigiinngissutillu nassuiarneqartut eqqarsaatersuutit isummallu assigiinngitsut tunngavigalugit, aamma inunnik inuiaqatigiinnillu isiginninnerit assigiinngitsut,

3) inunnik isumaginnittoqarfiup aaqqissugaanera aamma isumaginninnikkut politikki, tamatuma qanoq ingerlanera ilusilersugaaneralu nassuiarneqartut arlallit tungaannit,

4) isumaginninnermut tunngasut siulersorneqarnerat aaqqissugaanerallu tamatumunnga ilanngullugu aningaasartuutissat suliassallu naalagaaffimmut, Namminersornerullutik Oqartussanut, kommuninut bygderådinullu agguanneqartarnerat,

5) ilaqutariinnut meeralinnutaammameeqqanut, inuusuttunut inersimasunullu timikkut, isumaliortaatsikkut inooqatigiisutsikkullu ajornartorsiutilinnut ikiorsiisinnaanermut isumannaallisaasinnaanermullu periarfissat,

6) meeqqat inuusuttullu inatsisinut tunngasutigut pisinnaatitaanerat,

7) innarluutillit inatsisinut tunngasutigut pisinnaatitaanerat aamma

8) assigiinngitsunik suliallit suleqatigiissinnaanerat.

*Imm. 3.* Soraarummeerneq allattariarsorneruvoq oqaluttariarsornerullunilu. Ataatsimik karakteriliisoqassaaq ataatsimut naliliinermik tunngaveqartumik, aamma tak. inunnik isumaginnittussanik ilinniartitsineq pillugu Namminersornerullutik Oqartussat nalunaarutaat, § 17.

#### **Kapitali 4.**

*Fagit kulturimut tunngasut aamma fagit mernguernartut.*

*Sannavimmi fagit, isiginnaartitsineq nipilersornerlu.*

**§ 7.** Siunertarineqartoq tassaavoq ilinniartut

1) suliorsinnaanermut fagit tunngaviusumik paasisimasassartaannik, suni atorneqarsinnaaneramik qanorlu ingerlanneqarsinnaaneramik tunuliaqutaannillu soqutiginnilerlutillu ilisimasaqalernissaat perorsaanermut tunngasunik suliaqarnerminni iluaqutigisinnaaqqullugu,

2) pinnguarnep mernguernartulerinerullu namminneq aamma meeqqat inuusuttullu anersaakkut, timikkut inooqatigiinnikkullu ineriartortarnerminnut pingaaruteqarnerat misigissagaat paasilluassallugulu,

3) mernguernartunik suliaqarnerup oqaluttuarisaanermut, kulturimut inuiaqatigiussutsimullu tunngasutigut pingaaruteqarneranik aama avatangiisit meeqqat, inuusuttut inersimasullu ineriartortarnerannut pingaaruteqarnerannik naliliisinnaanngornissaat naliliinerminnilu tunngavilersorsinnaanngornissaat, aamma

4) namminneerlutik allallu suleqatigalugit atuakkatigut sulinikkullu tunuliaqqutassaqaalernissaat sanaassanik, misilittaalluni ingerlanneqarsinnaasunik allanillu pillaaqqissunngoriartornartunik meeqqat inuusuttullu pisariaqartitsinerat soqutiginninnerallu najoqqutaralugu atorf issaqarnerusorisaminnik toqqartuisinnaanngorlutillu aaqqissuisinnaanngornissaat suliaqarsinnaanngornissaallu,

5) sungiusarneqarnissaat ullormut suliaasartunik nalinginnaasunik iluaqutiginninniartarnissamut, taamaalilluni tamakku ataatsimut siunertaqartumik ilanngunneqarsinnaaniassammata.

*Imm. 2.* Imarisai tassaapput:

1) Sannavimmi suliaqartitsiniarnerit pappiarat qalipaattillu, marraq, annoraamernit, atortussat nunamit tigusat qisuillu il.il. atorlugit.

2) Aalanerit nipilersornerlu atorlugit sammisassaqtitsiniutit:

a) isiginnaartitsineq,

b) aalaneq, timersorneq pinnguarnep aamma

c) erinarsorneq, nipilersorneq.

*Fagit tusagassiuuteqarnermut tunngasut.*

**§ 8.** Siunertarineqartoq tassaavoq ilinniartut

1) tusagassiuuteqarnermik paasinninnissaat taamalu ilinniassagaat tusagassiuutini assigiinngitsuni oqariartaatsinik toqqammaveqarnissaq, atuisarnissaq tamakkualu meeqqanut inuusuttunullu pingaaruteqarnerat aamma

2) tusagassiuutini assigiinngitsunik perorsaanermut tunngasunik suliaqarnermi allanut atassuteqarnermi atassuteqaatitut sakkutullu atuisinnaalernissaat.

*Imm. 2. Imai:*

- 1) allalluni oqaatsillu atorlugit oqaluttuarinninneq,
- 2) allanut atassuteqarnermi paasisimaqqaagassat,
- 3) tusagassiuutit assigiinngitsut inooqatigiinni inissisimanerat, tamatumunnga ilanngullugu inuiaqatigiinni inooqataanermut piukkunnarsaanermut angusaqartitsiniarsinnaanermullu atorluarsinnaanerat,
- 4) tusagassiuutit assigiinngitsut atornerini oqariartaatsit qanorlu sunniuteqarsinnaatigisarnerat,
- 5) tusagassianik meeqqanut inuusuttunullu pissaqartitsiniarneq,
- 6) meeqqanut inuusuttunullu tusagassianik qanoq issusersiueq,
- 7) tusagassiuutikassigiinngitsunik assigiinngitsunik ukiulinni assigiinngitsunillu grupplersuinermit atuineq,
- 8) perorsaasup tusagassiuutitigut tusagassiarineqartunut qanoq iloriarsinnaanera,
- 9) kikkunnut tamanut paasinariumik tusagassiornermi periaatsit,
- 10) misissuinermit, akunnermiliunnermit aamma angajoqqaanik suleqatigisanillu atassuteqarnermit tusagassiuutik atuineq,
- 11) meeqqat inuusuttullu ilagalugit tusagassiorneq.

**§ 9.** Faginik kulturimut tunngasunik faginillu mernguernartunik (faginik tusagassiuuteqarnermit tunngasunik, sannavimmi faginik aamma isiginnaartitsinermik/nipilersornermik) ilinniartitsineq ilinniartut suliaannik naliliinermik naggaserneqassaaq. "Akuerineqarpoq"-mik imaluunniit "akuerineqanngilaq"-mik naliliisuussapput fagini ilinniartitsisoq (-sut) censorilu. Isumaqatigiinngippata censorip naliliinera aalajangiisuussaaq.

## **Kapitali 5.**

### *Praktikki.*

**§ 10.** Tassani siunertarineqarpoq ilinniartut tamarmik immikkut aamma allanik suleqateqarlutik inunnik isumaginittutut suliaassani assigiinngitsuni peqataasarnissaat peqataasarnermikkullu tunngavissaqalernissaat perorsaasutut suliaassat naammassiniarneqartarnerini ilinniakkanik namminerlu paasisanik tunngaveqartumik ikiuuttarnissamut.

*Imm. 2. Imai:*

- 1) atuagarsornikkut ilisimalikkat tunuliaqutaralugit perorsaasutut sulineq,
- 2) iloriusissat perorsaanermit tunngasut aaqqissugaanerat, tamakkuninnga inunnik isumaginninnermik ingerlatsivinni atortitsineq inissiinerlu,
- 3) perorsaasutut suliaassanik kisimiilluni aamma allat peqatigalugit pilersarusiorneq, suliaqarneq naliliinerlu,
- 4) perorsaasutut sulinermit periaasiusartunik paasiniaaneq naliliinerlu,
- 5) ilinniarnermutatatillugusuliffigisami (praktikkerfimmi) aamma praktikkerfiup sulissutallu eqqarlerisaasa aammalu inuit pisortatullu saaffigineqartussaasut praktikkerfiup avataaniittut akornanni suleqatigiinneq aamma
- 6) meeqqat, inuusuttut inersimasullu tarnimikkut timimikkullu qanoq innerinik misissuineq allaaserinninnerlu.

*Imm. 3. Praktikkernissami piumasarisat:*

- 1) Praktikkerneq ingerlanneqassaaq praktikkerfissat ilinniartissuarmut akuerineqartut ilaanni.
- 2) Praktikkertoq pisussaavoq praktikkerfimmi sulinermit peqataassalluni aammalu allat

ilisimasassarinnngisaannik nipangiussisassalluni aammalu allanik pisussaaffeqarluni praktikkernissaq pillugu isumaqatigiissut naapertorlugu.

3) Ilinniarfissuup praktikkertuq akisussaasumik praktikkerfiani siunnersorteqartissavaa (praktiklærerimik).

*Imm. 4.* Praktikkerneq nalilerneqassaaq piffissap affaa siulleg ingerlareerpat. Praktikkernerup naanerani tamaat ataatsimut isigalugu nalilerneqassaaq naliliinermi atorlugu "akuerineqarpoq" imaluunniit "akuerineqanngilaq".

*Imm. 5.* Ilinniartup ilinniakkamigut sulinermigullu piginnaassusii nalilerneqassapput, naleqq. siunertatut imm. 1-imi oqaatigineqartoq, tamakkununga ilanngullugit

1) ilinniartup paasisimasaqalernera

- a) praktikkerfiup siunertaanik, inatsisaanik allanillu inatsisitigut tunngavigisaanik, aaqqissugaanerani aamma sulisorisaasa suunerinik,
- b) eqqarsaatigisarialinnik inunnillu suliffiup toqqammavigisaanik, tamatumunnga ilanngullugit inunnik isumaginnittutut sulinerit pissuserigajugaat,
- c) praktikkerfimmi suliaasat (sagit) ingerlanneqartarnerinik, paaqqinniffinnut inissiisarnerni periaatsinik, saginik aqutsinermik aalajangiiniartarnerinillu,
- d) praktikkerfiup suleqatigisaanik, suliffigisami taamatullu taassuma avataani, tamatumalu pingaarutaanik kiisalu

2) ilinniartup piginnaaneqalernera

- a) sagit aalajangersimalluinnartumut tunngasut suliarinerini inunnik isumaginnittutut sulinissamut atuakkatigut ilisimalikkaminik atuinerinik,
- b) saginik suliaasani aaqqissuussinermik suliaqarnermillu, jounaliliornermik, qinnuteqaatiliornermik aamma siunnersuusiornermik il.il.,
- c) isumaginninnikkut perorsaasutut sulinerinik paasisimasassanik paasinninnermik takutitsisinnaanermik aamma naliliinernut namminerlu isummat pillugit sungiussisimasutut pissuseqarsinnaanermik,
- d) isumaginninnermi ajornartorsiutinik aaqqiiniarnermi allanik suliaqartunik suleqatiginnittarnermik.

*Imm. 6.* Naliliineq ilinniarfissuup isumagissavaa praktikkertup suliffia suleqatigalugu.

*Imm. 7.* Naliliineq isumaqatigiiffineqarpat praktikkerneq ingerlaannartumik akuerineqassaaq imaluunniit akuerineqassanngilaq. Isumaqatigiiffineqanngippat censorimik ivertitsisoqassaaq, naliliisoqassarlu oqaluttarissanik misilitsinneq pillugu maleruagassat malillugit, tak. inunnik isumaginnittussanik ilinniartitsisarneq pillugu Namminersornerullutik Oqartussat nalunaarutaanni § 18, imm. 1.

## **Kapitali 6.**

*Tapertaasumik kursusernerit.*

### *Psykiatri.*

**§ 11.** Tassani siunertarineqarpoq ilinniartut ilisimasaqalernissaat tarnikkut nappaatinik, tamakkununga ilanngullugit tarnikkut nappaatit assigiinngitsut inuullu inuunermi assigiinngitsunik atugaqarnermi qanoq periartarnera, taamaalillutik ilisimasatik atorsinnaanngorlugit ikiugassaqaleraangamik tarnikkut nappaatilinnik tarnikkullu pissusissavimminnit allaasumik pissusilinnik, aamma taamaalillutik peqataasinnaanngoqqullugit tarnikkut nappaateqartarnerup paasilluarneqarnerunissaanut aamma qanigisaasunik nappaatinillu tamakkuninnga paasisimannilluartunik suleqateqartarnissamut.

*Imm. 2. Imarisai:*

- 1) Maannakkut qangalu tarnikkut nappaataagajuttartut, pingaartumik Kalaallit Nunaanni.
- 2) Tarnikkut nappaatit, tarnikkut nappaateqalersinnaaneq, avatangiisit tarnikkut nappaateqalersitsisinnaanerit kinaassutsimillu paasisimannilluarunnaaneq, demens, oligophreni, atornerluineq.
- 3) Katsorsaanermi maannakkut periaatsit periaasiusinnaasulluallat, psykofarmaka, psykoterapi. Tarnikkut nappaatinik Kalaallit Nunaani katsorsaasaneq. Qanoq suleqatigiittoqarsinnaasoq.

*Imm. 3. Fagimi tassani misiliisoqassanngilaq.*

#### *Socialmedicin.*

**§ 12.** Tassani siunertarineqartoq tassaavoq ilinniartut inuunermi atugarisat aamma peqqinnerup/nappaateqarnerup imminnut ataqatigiinnerannik aammalu pissutsinik meeqqat inuusuttullu taamatullu nammineq peqqissutsiminnut napparsimalertarnerminnullu sunniuteqartartunik aammalu ilisimasaqalernissat peqqinnissaq pillugu suliffeqarfiup aqqissugaanerani ingerlatsineranillu, taamaalillutik ilinniartut peqqissartuutaasinnaasunik suliaqarsinnaaleqqullugit meeqqat, inuusuttut inersimasullu akornani, aamma sulissussisinnaaleqqullugit inunnik immikkut pisariaqartitsisunik, aammalu suleqateqartarsinnaaleqqullugit allanik suliaqartartunik.

*Imm. 2. Imai:*

- 1) inuiaqatigiit ineriartornerat aamma peqqinneq/nappaat,
- 2) peqqinneq/nappaat pillugu paasinninnerit assigiinngitsut,
- 3) ineriartorneq alliartornerlu,
- 4) meeqqat inuusuttullu nappaataat,
- 5) peqqinnissamut tunngasutigut perorsaaneq,
- 6) napparsimmaveqarnermut tunngasut.

*Imm. 3. Fagimi tassani misliisoqassanngilaq.*

#### *Kursusit allat.*

**§ 13.** Aqqissuussisoqassaartaaq tapertaasumik atuartitsinermik/saniatigut ilinniarumaneqartumik kursusernertut ilusilikkamik, isumaginninnikkut perorsaasup sulinerani immikkut ittumik suliassa qarfiusunut sammisinneqartumik. Kursusernerit taamaattut siunertaat, imarisaat sivilissusissaallu Kultureqanermi, Ilinniartitaanermi Suliffeqarnermilu Pisortaqarfiup akuereqqaartassavai.

### **Kapitali 7.**

#### *Atortuulersitsineq il.il.*

**§ 14.** Fagini ilinniartitsineq soraarummeernerlu pillugit maleruagassat Kultureqanermi, Ilinniartitaanermi Suliffeqarnermilu Pisortaqarfiup aalajangersarsinnaavai.

**§ 15.** Nalunaarut atortuulerpoq ulloq 1. august 1991.

**§ 16.** Nalunaarut atortuussaaq ilinniartunut ukiumi ilinniarfusumi 1990/91-imi imaluunniit kingusinnerusukkut ilinnialersut.

*Imm. 2.* Ilinniartut siusinnerusukkut ilinnialersut ilinniarnertik inaarsassavaat aalajangersakkat maannamut atortuusut malillugit.

*Namminersornerullutik Oqartussat, ulloq 15. april 1991.*

Marianne Jensen

/

Kaj Kleist

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut